



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 108. Clementis Papæ IX. Constitutio adversus Gallicam versionem  
Ritualis Romani.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

**Sæc. XVII.** domanicum observationibus. IV. Joannes Henricus Ursinus elucubravit commentaria in quosdam Prophetas minores & in Jonam, item Regulam fidei christianaë, arboreum Biblicum, collationem de una religione, Ifagogicam Historico-Chronologicam, de necessitate Calicis consecrati, Sylvam Theologiæ symbolicam, & alia quam plurima. V. Matthæus Hofman edidit clavam Apocalypticam, viridarium Spiritus sancti ex plantis biblicis, Chronographiam Terræ sanctæ, & Topographiam Hierosolymitani & Salomonis Templi. VI. Jacobus Rappius prælo subiecit commentarium synopticum in universam Bibliam, Bibliothecam portatilem, perennem SS. Theologiæ, Aphorismata & Memoriale Biblicum.

## §. CVIII.

*Clementis Papæ IX. Constitutio  
versus Gallicam versionem Rituum  
Ritualis Romani.*

*Abrege de  
l'Hist. Eccl.  
tom. 3.  
Argentre  
Coll. Jud.  
tom. 3.*

Fuit & hic annus Christi millesimus sexcentus sexagesimus octavus, lætis ac tristibus fatibus intermixtus, tamen prævaluere tristitia, & Ecclesiæ tranquillitatem perturbantia, præcipue in Galliis, ubi novi fastidii argumentum exstitit Gallica versio Ritualis Ro-

Sæc. XVII.  
A. C. 1668.

mani, quod Nicolaus Pavillonius Aletensis Episcopus Parisiis hoc anno excudi curabat, sub hoc titulo: *Rituale Romanum Pauli V. Pontificis Gallice reditum ad usum Diœcesis Aletensis unacum instructionibus & rubricis*, cum autem in hac versione quædam doctrinæ & propositiones falsæ & erroneæ continerentur, hinc Clemens IX. Papa die nona Aprilis hoc Rituale flammis consignari iussit, edito desuper hoc diplomate:

„Creditæ nobis divinitus omnium  
 „Ecclesiarum sollicitudinis ratio exigit,  
 „ut Ecclesiasticæ disciplinæ, cujus cu-  
 „stodes a Domino constituti sumus, ubi-  
 „que conservandæ jugiter incumbentes,  
 „omni cura, atque vigilantia præcavere  
 „studeamus, ne quid in eam irrepat,  
 „quo quomodolibet turbari aut a præ-  
 „scriptis ritibus aberrare, & via erro-  
 „ribus aperiri possit. Cum itaque (sicut  
 „nobis innotuit) anno proxime elapso  
 „typis impressus, ac in lucem Parisiis  
 „editus fuerit Gallico idiomate liber,  
 „cui titulus est: *Rituale Romanum Pauli V.*  
 „ad usum Diœceseos Aletensis, unacum In-  
 „structionibus & rubricis Gallice. In quo  
 „non solum continentur non nulla ab  
 „ipso Rituali Romano jussu felicitis re-  
 „cordationis Pauli Papæ V. prædeces-  
 „soris nostri edito aliena, sed etiam  
 „doctrinæ quædam, & propositiones

T 3

„falsæ,

Sæc. XVII. „falsæ, singulares, in praxi periculose  
 A. C. 1668. „erroneæ, & consuetudini in Ecclesiâ  
 „communiter receptæ, atque Eccle-  
 „siasticis Constitutionibus oppositæ, &  
 „repugnantes, quarum usu & Lætionem  
 „Christi Fideles in jam damnatos er-  
 „rores sensim induci, ac pravis opi-  
 „nionibus infici possent. Nos oppo-  
 „situm huic malo remedium adhibere  
 „volentes, motu proprio, & ex certa  
 „scientia, ac matura deliberatione no-  
 „stra, librum sub titulo Ritualis Gal-  
 „lico idiomate editum præfatum Au-  
 „thoritate apostolica tenore præles-  
 „tium omnino damnamus, reprobamus  
 „& interdicimus, ac pro damnato, re-  
 „probato, & interdicto haberi volu-  
 „mus, ejusque impressionem, lectu-  
 „nem, retentionem & usum universis  
 „& singulis utriusque sexus Christi Fi-  
 „delibus præsertim civitatis, & Dio-  
 „cesis Aletensis, cujuscunque gradus  
 „conditionis, Dignitatis, & præemi-  
 „nentiæ existant, licet de illis specialis  
 „& individua mentio habenda foret,  
 „sub pœna excommunicationis latæ sen-  
 „tentia ipso facto incurrendæ perpetuo  
 „prohibemus. Mandantes, ut statim  
 „quicumque illum habuerint, vel in  
 „futurum quandocunque habebunt, lo-  
 „corum Ordinariis, vel inquisitoribus  
 „qui vero Venerabili Fratri Episcopo

„Aletensi subfunt, Metropolitano, aut Sæc. XVII.  
 „uni ex vicinioribus Episcopis, reali- A. C. 1668.  
 „ter & cum effectu exhibeant, tra-  
 „dant, & consignent; qui nulla inter-  
 „posita mora exemplaria sibi tradita,  
 „& alia quæcunque habuerint, igne  
 „comburant, & comburi faciant; in  
 „contrarium facientibus non obstanti-  
 „bus quibuscunque. ut autem præsen-  
 „tes literæ ad omnium notitiam faci-  
 „lius deveniant, volumus, & Autho-  
 „ritate prædicta decernimus, illas ad  
 „valvas Basilicæ Principis Apostolo-  
 „rum, & Cancellariæ Apostolicæ, ac  
 „in acie campi Floræ de urbe per ali-  
 „quem ex cursoribus nostris publicari,  
 „ac illarum exempla ibidem affixa re-  
 „linqui, illasque sic publicatas omnes  
 „& singulos, quos concernunt, perinde  
 „afficere & arctare, ac si illorum uni-  
 „cuique personaliter notificatæ, & in-  
 „timatæ fuissent, Ipsarum vero præ-  
 „sentium literarum transumptis, seu  
 „exemplis, etiam impressis, manu ali-  
 „cujus Notarii publici subscriptis, &  
 „sigillo personæ in Ecclesiastica digni-  
 „tate constitutæ munitis, eandem fi-  
 „dem in iudicio, & contra illud ha-  
 „beri, quæ eisdem præsentibus habe-  
 „retur, si forent exhibitæ vel ostensæ.”

Verum huic Pontificis Constitutioni  
 mox viginti novem Franciæ Episcopi

Sæc. XVII. sese opposuere, hujusque versionis defensionem palam in se susceperunt, imple-  
A. C. 1667. per Ludovicus XIV. Franciæ Rex non sine maxima summi Pontificis molestia Bragellinio Nuntio Apostolico inhibuit, ne Pontificis Bullas, quibus tam Ritualis quam Testamenti Novæ Gallicam versionem proscripsit, promulgaret.

## §. CIX.

*Quatuor Franciæ Episcoporum litteræ encyclicæ ad omnes Galliarum Præsules.*

*Vid. supra  
 Hist. abrégé  
 de la Paix  
 du Clément  
 Recueil. II.  
 pag. 120.  
 Abbé du  
 Mas Hist.  
 des cinq.  
 prop. 1. 6.*

Cum interim quatuor illi Franciæ Præsules, qui hucusque formulam signare recusabant, ex nupero Senatus decreto haud obscure prospicerent, quod causæ suæ patrocinium a Rege nullum sperare possent, totius Cleri Gallicani opem implorare statuerunt. Igitur hanc in rem die vigesima quinta Aprilis datis ad omnes Franciæ Episcopos litteris contra Romanam Curiam acerbè questi, eos rogabant, ut sui defensionem in se susciperent, utpote in causâ ipsâ etiam communi, cum non modo de privata eorum oppressione, sed sacrorum Canonum everfione, primorum æquitatis naturalis præcipiorum violatione, & summi dignitatis Episcopalis contemptu ageretur.